



序


棠村詞者大司農梁蒼巖先生之所作也北地諸
梁蟬聯鵲起猶漢代之有荀楊江左之有顧陸而
笙簧三謝偏重臨川綺綺羣劉共推孝綽早已鼓
吹騷壇發揚詞苑談藝之家奉爲喬岱者矣乃先
生益弘損益之風不遺緯艾之採子期清節喜附
巨源敬禮小文見袁郎將故恒峯旅寄獲奉儀規
東山碁墅之暇品及林泉蘭亭禊飲之時匆觀絲
竹蕉林屋底每多紅杏之吟藍尾樽前共譜檀牙
之奏此棠村一編所由葺也諷唱之餘敢爲論次



小令體貴纖穠味歸輕婉如奇葩春茁殘英未飛
新篁夜舒濕翠乍滴冰紈剔錦之內忽露隋珠彫
鍤錯采之叢無非紫貝長調才瞻博而尚奇氣擘
緩以盡變譬之箜篌雜引緣子建以爭妍琵琶曼
聲得季倫而倍逸但使紅兒按節繡帳徵歌絳樹
迴風錦茵逞舞襲其遺韻在簪爲難今也纏綿巧
妙不殊梅溪石屋之間韶秀清芬直居待制屯田
之上所謂玉釵羅袖均有青歸杜若江蘺竝深比
興固先生所獨詣也詎僅邢子才紙貴京師徐孝
穆流傳異域而已哉僕更獲交先生之小阮冶湄

明府來宰錢江才同潘令但種名蒼清若胡威曾
無匹絹獨手授先生新詞一卷得卒讀焉旣無忝
于雅頌亦粲溢于風人昔瓊樓月冷玉局終爲愛
君香逕燕歸元獻因而薦士先生振珮承華人倫
東國發爲吟咏原本性情卽以當卷阿穆如之頌
山榛彼美之篇豈有異乎洵盛世之音安以肆非
詞人之賦麗以淫也詞學肇興元聲未墜舍先生
其誰與歸 昔

康熙丙辰人日西冷年後學丁澎敬題于扶荔堂



棠村詞序

歐陽公嘗謂遭時之士功烈顯於朝廷名譽垂於竹帛每視文章爲末事而又有不暇與不能者焉故有事業者不必有文章而窮居隱約失志之人每感激發憤一寓於文辭甚矣二者之難兼也然從來得志於時者不盡勞心以爲人也試觀晨而興暮而息皆悉心於天下國家之大乎抑別有所以耗吾神而勞吾形者耶是不能者固有之以云不暇則未也今大司農梁公領尚書事垂二十年功名旣赫奕矣猶篤學不倦每退食卽簾閣靜坐

嘯詠自娛所著詩古文海內傳頌已久間爲小詞
必奪宋人之席每一篇出藝林競相傳寫何暇且
能歟而人或謂公得時行道文章在史館政事在
天下安用此小技爲也懋曰不然昔晏元獻歐文
忠爲宋名臣其所建樹與所著作自古罕匹而珠
玉六一之詞歌咏人口至今不廢蓋大君子之用
心不汨汨於嗜欲政事之暇寄閒情於詞賦性情
使然也夫何害先是松陵徐子電發梓公棠村詞
一卷俱收散佚于屏素紈扇間者惜未窺全豹近
公小阮冶湄復請公新舊諸作合龔大宗伯香巖
詞吳祭酒梅村詞並行于世以懋受業於公屬爲
序顧余小子自通籍以來方困辱於趨走憂愁鬱
積殆歐陽公所謂窮者也夫窮者之言固宜工而
亦復鹿鹿不暇以爲則兼而有之者不愈難哉不
愈難哉

康熙癸丑夏月江都受業汪懋麟拜撰



棠村詞目録

真定

梁清標

撰

點絳脣 一調

念奴嬌 一調

滿江紅 一調

喜遷鶯 一調

點絳脣 一調

卜算子 一調

如夢令 一調

南鄉子 一調

念奴嬌 二調

行香子 一調

如夢令 一調

蝶戀花 一調

南鄉子 一調

滿庭芳 一調

望江南 一調

永遇樂 二調

絳都春 一調

江城子 一調

漁家傲 一調

滿庭芳 一調

望海潮 一調

清平樂 一調

柳初新 一調

浪淘沙 一調

一剪梅 一調

訴衷情 一調

滿庭芳 一調

霜葉飛 一調

望江南 八調

錦纏道 一調

玉燭新 一調

東風齊着力 一調

水調歌頭 一調

燭影搖紅 一調

綺羅香 一調

小重山 一調

玉女搖僊佩 一調

玉蝴蝶 一調

鳳凰臺上憶吹簫 一調

浣溪沙 一調

夏初臨 一調

減字木蘭花 一調

醉花陰 一調

雨中花 一調

滿江紅 一調

漁家傲 一調

念奴嬌 一調

踏莎行 一調

菩薩蠻 一調

滿庭芳 一調

如夢令 一調

滿江紅 一調

桂枝香 一調

金縷曲 一調

念奴嬌 一調

玉漏遲 一調

滿江紅 一調

憶秦娥 一調

慶春澤 一調

千秋歲引 一調

應天長 一調

魚遊春水 一調

花心動 一調

滿庭芳 一調

帝臺春 一調

越溪春 一調

謝池春 一調

生查子 一調

蕙蘭芳引 一調

滿庭芳 一調

憶王孫 一調

燕春臺 一調

海棠春 一調

柳梢青 一調

少年遊 一調

眼兒嬌 一調

雙雙燕 一調

浣溪沙 一調

錦堂春 一調

山花子 一調

更漏子 一調

水調歌頭 一調

訴衷情 一調

蘇幙遮 一調

繡帶子 一調

錦帳春 一調

好事近 一調

行香子 一調

百字謠 一調

春從天上來 一調

沁園春 一調

憶舊遊 一調

醉春風 一調

御街行 一調

大聖樂 一調

春雲怨 一調

臨江僊 一調

蝶戀花 一調

沁園春 一調

萬年歡 一調

醉鄉春 一調

點櫻桃 一調

巫山一段雲 一調

杏花天 一調

金鳳鈞 一調

望江南 十調

南鄉子 一調

減字木蘭花 一調

歸自謠 一調

如夢令 一調

憶秦娥 一調

垂楊碧 一調

青玉案 一調

滿江紅 一調

喜遷鶯 一調

賀新郎 一調

菩薩蠻 四調

點絳脣 三調

爪茉莉 一調

減字木蘭花 四調

鳳凰臺上憶吹簫 一調

蝶戀花 一調

點絳脣 一調

燭影搖紅 一調

念奴嬌 一調

滿江紅 一調

菩薩蠻 一調

陽臺夢 一調

晝錦堂 一調

孤鸞 一調

洞庭春色 一調

玉樓春 一調

卜算子 一調

一剪梅 一調

永遇樂 二調

滿庭芳 一調

蝶戀花 一調

眉峯碧 一調

驀山溪 一調

望湘人 一調

訴衷情 一調

菩薩蠻 一調

滿江紅 一調

念奴嬌 一調

減字木蘭花 一調

菩薩蠻 一調

減字木蘭花 一調

子夜歌 一調

念奴嬌 一調

千秋歲 一調

水龍吟 一調

蘇幙遮 一調

沁園春 一調

過秦樓 一調

戀繡衾 一調

釵頭鳳 一調

滿江紅 一調

念奴嬌 一調

連理枝 一調

江南春 一調

宮中調笑 二調

醉花陰 一調

宮中調笑 四調

明月斜 二調

鳳棲梧 一調

百字令 一調

瑤臺第一層 一調

雙頭蓮 一調

兩同心 一調

洞庭春色 一調

鷓鴣天 一調

瀟湘神 四調

滿江紅 一調

青玉案 一調

庭院深深 一調

玉樓春 一調

踏莎行 一調

菩薩蠻 三調

如夢令 一調

賀新涼 一調

漢宮春 一調

過秦樓 一調

虞美人 一調

南柯子 一調

甘州子 一調

慶清朝慢 一調

東風第一枝 一調

醉桃源 一調

阮郎歸 一調

十六字令 一調

倦尋芳 一調

一叢花 一調

最高樓 一調

傳言玉女 一調

二郎神 一調

喜遷鶯 一調

意難忘 一調

春光好 一調

沁園春 一調

洛陽春 一調

漁父 一調

拂霓裳 一調

菩薩蠻 二調

小重山 一調

行香子 一調

如夢令 一調

探春令 一調

謁金門 一調

金人捧露盤 一調

子夜歌 一調

美少年 一調

歸朝歡 一調

蝶戀花 一調

五彩結同心 一調

永遇樂 一調

謝秋娘 一調

意難忘 一調

一葉落 一調

柳腰輕 一調

春從天上來 一調

賣花聲 一調

羅敷媚 一調

大江西上曲 一調

轆轤金井 一調

別銀燈 一調

斛珠 一調

滿庭芳 一調

洞庭春色 一調

春風裊娜 一調

瀟湘逢故人慢 一調

大江西上曲 一調

風流子 一調

踏莎行 一調

一寸金 一調

南柯子 一調

叢花 一調

月上海棠 一調

八節長歡 一調

天仙子 一調

柳腰輕 一調

五福降中天 一調

東風第一枝 一調

春從天上來 一調

永遇樂 一調

東風齊着力 一調

玉漏遲 一調

金明池 一調

雨中花 一調

漢宮春 一調

小桃紅 一調

別銀燈 一調

謝池春慢 一調

喜遷鶯 一調

金鳳鈞 一調

新雁過粧樓 一調

賀新郎 一調

綺羅香 一調

沁園春 一調

喜遷鶯 一調

三姝媚 一調

望江怨 一調

瀟湘夜雨 一調

疎簾淡月 一調

百字令 一調

如此江山 一調

拜星月慢 一調

金菊對芙蓉 一調

滿庭芳 一調

燭影搖紅 一調

花發沁園春 一調

畫屏秋色 一調

望遠行 一調

飛雪滿羣山 一調

惜秋華 一調

萬年歡 一調

高山流水 一調

詞話

龔芝麓 鼎孳 曰棠村旖旎纖靡宛如花間其芊綿

俊爽則又艸堂之麗句也洵當排黃鞅秦駕周

凌柳電發以僕香嚴詞並行糠粃謬揚竊有子

魚龍尾之嘆

宋荔裳 琬 曰蒼巖先生襟期瀟灑意度廓落大似

坡仙初夏僕將往蜀同芝麓諸公讌集梁家園

伶人演僕所編祭臯陶雜劇座上各賦蝶戀花

一闋蒼巖有舊事甘陵今昔關情等句水漲花

明酒酣燭跋使倩袁絢歌之應為雪涕

許竹隱虬曰范文正長烟落日孤城閉雖覺凄惋
動人然詞旨蒼涼多道邊鎮之苦歐陽永叔目
爲窮塞主宜矣未若棠村春雍和雅有釣天廣
樂氣象也

王阮亭士禛曰紅杏枝頭春意鬧尚書當時傳爲
美譚吾友公馘極嘆之以爲卓絕千古然實本
花間暖覺杏梢紅特有青藍冰水之妙耳棠村
詞從無一語襲前人者山谷謂東坡非喫人間
烟火僕于蒼巖夫子亦云

王西樵士祿曰司農詩格雄渾酷似少陵詞復婉
約儂艷雕組天然楊用修云詩聖如子美而集
內填詞無聞少游幼安詞極工矣而詩殊不強
人意恐讀棠村詞者未以用修爲通論也

又曰耆卿殘蟬向晚喏得人心欲碎是寫閨中秋
怨也梁棠村春雲怨詞疎燈薄暮又一聲歸雁
飛來平楚是寫閨中春怨也各自極其情致
尤悔菴侗曰僕嘗客恒山蒼巖公出家伎奏樂僕
于座上演清平調雜劇卽令小鬟歌之音節諧
婉公呼酒命醉幾于履遺纓絕今讀棠村諸段
猶覺柔情似水令人思小紅低唱我吹簫也

顧梁汾貞觀曰評書者有言唐人以法勝宋人以

意勝惟晉人韻勝非法與意可到詞如棠村纔當得一韻字質之先生定不以斯言爲煩

宋旣庭實穎曰晏元獻清詞麗句上逼李唐一時

賢士大夫如范仲淹歐陽永叔輩皆出其門遂推爲艸堂鉅公今蒼巖先生勳業文章光耀史冊而間爲小詞亦復瞻麗庶幾元獻差堪比擬若韋莊馮延巳之流瞠乎後矣

陳其年維崧曰棠村望江南調云欲寫烏絲嗔燕子將輸楸局倩鴉兒較前人無可奈何花落去

似曾相識燕歸來真堪伯仲

周雪客在浚曰司農公奉使嶺南于兵戈豺虎中

倚棹停驂卽杯刻燭其長短句沉雄綺麗不減坡公海外廣陵鄧孝威云春風油幕夜撈筆喚出柔奴劇有情一別珠江烟雨暗鷓鴣啼煞五羊城吳江徐電發云過嶺新詞喜乍攀海天歸棹泣烏蠻尚書自愛蕉林好飽看倪迂數尺山二詩俱足道公瀟灑絕塵之致

宗梅岑元鼎曰棠村詞窮極雕鏤而天然蘊藉自不使秦柳獨步

毛大可牲曰或問香巖之妙曰雄放處時見偉觀
問棠村之妙曰旖旎時亦屬本色

龍二爲光曰蒼巖夫子過嶺諸詞似從花田擷秀
覺翠羽明璫交相映發昔人謂文章得江山之
助小詞亦云

周鷹垂綸曰司農蕉林詩集雄渾流麗在北地信
陽以上濫入小詞不乏寵柳嬌花之致知才人
正未可量今冶溜與菊莊先後校梓使經商緯
羽之士咸取則焉誠詞苑功臣也

徐方虎倬曰梅村清婉香巖瑰麗棠村纖穠家弟

電發欲合三先生詩餘行世真堪鼎峙騷壇

葉元禮舒崇曰寇平仲范希文非不冰心鐵骨名

垂宇宙而小詞皆盡態極妍今司農夫子名位
德望髣髴二公長短調亦爾纏綿旖旎故知廣
平梅花正自無礙不必嫁名河陽書記也

方潤仁象瑛曰司農夫子負公輔重望與富歐韓

范爲匹尤喜汲引寒峻與艸茅之士賡倡讀其
寄酬松陵徐電發諸詩詞蘆中人一齊感泣

曹掌公鑑平曰今人覩工緻綺靡者輒曰花間致
語覽婉變流動者輒曰艸堂麗句雖刻畫摹擬

猶去一塵以神韻未到耳今試置棠村諸作雜
花艸間尚能復辨否

陸蓋思進曰棠村極穠艷而無綺羅薌澤之態所
謂生香真色人難學也

棠村詞

點絳脣 偶贈

真定 梁清標 撰

歌按涼州燈前喜識春風面傷誰庭院碧玉閨中
怨 淡服新粧無語頻凝盼思量徧幽情一線付
與閒花片

念奴嬌 送家光祿兄北上

西山薦爽堪拄笏飄墜井梧一葉門外驪駒爭祖
道分序雁行南北十載親闈兩悲風木種種顛毛
白老成高臥靜看車馬心折 正逢乞巧針樓天

孫會合惆悵人間別 主聖時清須一出豈得久
淹泉石事了拂衣功成身退早遂漁樵業雕丘無
恙韓溪同泛烟月

滿江紅 棠村賞牡丹

春草孤村茅亭立老槐如昨香滿院名花傾國臨
風綽約三徑纔開佳客至一樽細雨同斟酌嘆十
年宦海歷風塵空耽閣 鍾鼎業波濤惡林壑裏
無拘縛趁日長體健畱連芳萼屋角遠山青欲滴
溪邊釣艇魚新躍看眼前世事謾關情秋雲薄

喜遷鶯 夏日

蕉林雨歇正寶篆香温瓶荷芳徹棊几攤書湘簾
伏枕愁煞利名場客消受薰籠茶椀閒度草間飛
蝶最愛是傍蕭蕭疎竹林梢新月 淒切關情處
遠樹蟬聲又值清秋節白墮三杯紅綃一曲說甚
濟時豪傑小構數椽茆屋圖畫琴尊羅列且白眼
任花開花落陰晴圓缺

點絳脣 初秋

急雨空階西風乍入簾櫳曉秋葵開了掩映疎籬
小 夢醒黃梁萬斛愁如掃長安道驅馳人老都
付閒花草

卜算子 閨曉

寶鴨被重薰茉莉香先透兩兩鴛鴦宿碧紗私語
人知否 夜雨裊殘燈朝露沾羅袖怪煞開奩促
曉粧好夢濃如酒

如夢令 秋夜

露下秋宵方永睡起殘粧猶靚携手步虛檐人面
月華相映絕勝絕勝小立滿身花影

南鄉子 柳村

近郭遍青疇深柳孤村杜若洲菡萏自開還自落
悠悠野水閒雲泛白鷗 斜臥綠陰稠瓜種東陵

覓故侯小阮柴扃畱夕照颼颼蟬咽西風滿地愁

念奴嬌 秋日仍疊前韵

十年京國空盂浪解組一身如葉浩蕩涼颼來木
末霜瀟瀟沲河北俛首浮名驚心世路回想頭堪
白書生傲骨腰圍寧使輕折 拚取潦倒詞場醉
眠錦瑟揮手紅塵別茅屋三閭容膝了何必平泉
奇石雨笠雲簑閒花野草管領幽人業江山無盡
莫教辜負風月

前調 家光祿西廬習靜再疊前韵

繁英過眼看古今得失浮雲飄葉暑往寒來駒隙

影早見塞鴻辭北槐國無喧漁村高枕忍負洲蘋
白東華翹首羊 空嘆千折 聞說重理蒲團再
安丹竈不與家人別況有玉清堪共隱奚用受書
黃石蕉露研朱松風啜茗勾當山居業他時出訪
杖藜同踏蘿月

行香子

登齋中小樓

霧斂高旻樓敞無塵捲殘霞恰受斜暝俯凭飛檻
遠眺城闌看花如繡山如沐草如茵 綠窳窳窈
碧樹繽紛傍朱欄怪石嶙峋奇書堪把濁酒重斟
喜冬宜雪秋宜月夏宜雲

如夢令

題畫扇

一夜西風輕剪小院幽花初綻芳沼立蜻蜓掠水
飛來庭畔閒盼閒盼秋到江南深淺

蝶戀花

秋夜

御袂涼生衣袂早雁宿沙洲處處開紅蓼月滿關
河凋塞草一聲玉笛征人老 促織催寒秋思好
剪燭西窗嘆息知音少倚杖登樓恣遠眺白雲片
片西山小

南鄉子

秋夜小飲

秋草泣寒蟬樺燭高燒映瑣窗婉轉歌聲雲自駐

悠揚拚醉佳人錦瑟傍
新月照空廊仰視明河
更漏長萬事閒中堪一笑
何妨脫帽呼盧老更狂

滿庭芳 中秋

細雨纔收浮雲乍斂
西風捲霧初晴香飄桂子
秋草滿閒庭入夜冰輪當午
小樓外碧巘縱橫微茫
裏萬家燈火樹色暝烟平
瓊瑜紛舞袖紅牙按
拍小婦鳴箏任玉繩低轉
客醉沾纓十載東華舊
夢回首處心悸神驚
趁佳節空明如洗坐待月華
生

望江南 秋夜小飲

秋色好檐外晚涼天
奕罷一樽携翠袖綠窗織手
弄冰絃二八正韶年
秋色好莫問夜何其風月
蹉跎人老太十年心事鷺鷥知
燈炮酒闌時

永遇樂 九日

籬菊凝霜井梧零露雁飛平楚
何處秋聲小庭淅
瀝無奈情千縷登高送目
手把茱萸生受澹烟疎
雨嘆良時幾年虛度總付東華塵土
古今得失
人生聚散渾似落英無數
戲馬臺空龍山帽冷風
月還如許閒拋書帙笑引清樽
看取綠窻眉嫵莫
更使愁蜂怨蝶香寒別浦

前調 戲擬催粧

簾閣香溫藍田烟暖小春時節河鼓初臨天孫將
渡鵲報人間匹鳳臺許跨鸞膠重續自笑溫郎非
昔對冰清人慚叔寶爭道門闌氣色 鴛鴦翼竝
芙蓉繡隱珍重定情佳夕廡下齊眉五噫成咏舉
案傳先浮鹿車共載丹厓偕老歲歲歡如今日好
倩語新妝早試遠山黛碧

絳都春

上幸真定恭賦

霓旌羽葆看玉勒飛塵翠華臨早雨灑郊原風靜
天街開馳道紅雲晝護龍旂曉黃衣是 聖人年

少萬家環擁千官拜舞共瞻 奇表 非小名城
三輔人何幸得覩 天顏微笑獵罷長揚月色甲
光寒相照殘星夜角營門悄恩浩蕩村墟無擾雪
中黃竹歌成爭傳 睿藻

江城子 書屋新成

蕉林新館舊槐風日初紅上簾櫳斐几藜牀窈窕
綠窗中曲曲欄干花徑小誰是主有盧鴻 樓頭
虛敞月溶溶淡烟籠遠山峯客至開樽隨分兩三
鍾 恩賜閒居容懶漫身外事在天公

漁家傲 閒居

朝霽窺窗三徑曉草堂晝靜聞啼鳥插槿編籬隨
意好雲自到落英一任西風掃 啜茗攤書塵事
少開殘黃菊寒催早蟻戰蜂圍何日了青門道回
頭不滿山人笑

滿庭芳

觀女伶演淮陰故事

絳燭清宵彩雲華館蠻腰細舞迴風嬋娟忽變繡
襖深猩紅鎖甲豔分雪色兜鍪小雙頰芙蓉瓊稔
映將軍紅粉錦繖黛眉同 登壇當日事衣冠優
孟寫出偏工嘆英雄佳麗一樣飄蓬飛絮落花舊
恨誰憐取桃李春穠乘月夜衣香人面莫放酒杯

空

望海潮

鎮陽懷古

雄風河朔燕南都會名城古說中山帶遶滹沱屏
開恒嶽連營劍倚青天主父故宮閒霸圖嘆灰劫
鹿走邯鄲璧返相如墳高頗牧總荒烟 軍聲成
德當年有北潭舞榭趙苑歌絃菡萏送香菰菱映
水秋來依舊爭妍衰草冷平原信陵立功後結客
空傳戰壘烏啼笛吹關戍夕陽寒

清平樂

西村

塲空禾黍終歲田家苦脫却朝衣耕瘠土閒逐樵

歌漁鼓 溪翁提挈兒孫騎驢買醉前村野外人
家如畫柴扉燈火黃昏

柳初新冬詞

晴簷飛雪簾櫳護翠被篆添香縷海棠睡足臉潮
微暈釵落鬢橫斜霧紅上瑣窗如許惱侍兒催人
匆遽 纖手牽郎且住怯朝寒枕傍低語眉心頻
蹙楚腰半解不盡怨雲愁雨欲起又同偎倚最難
聽鸚哥聲絮

浪淘沙

閨詞

日影舊窗紗晝靜藏鴉東風謹護牡丹芽珠箔深
深香綺戶便是兒家 嬌小鬢雲斜暗度韶華春
愁不減臉邊霞繡得雙鴛新畫譜竝蒂荷花

一剪梅

同前

宛宛冰輪上畫樓聽罷更籌薰罷衾稠畫眉人是
舊風流對面溫柔背面嬌羞 雙結燈花兩意投
一晌低頭半晌迴眸玉猊烟冷睡還休倚了香篝
褪了蓮勾

訴衷情

詠蓮

猩紅弓樣試風流貼地軟香浮凌波巧籠纖笋錦
幄倍清幽 蓮折瓣月微鈎玉溫柔苔痕池上泥

印花間塵跡樓頭

滿庭芳

寄酬申鳧盟次原韵

河朔才名傳家忠孝詞場共羨陰何故人紈扇贈
我惠風多別後停雲一載遙山蟲馬服鬼峩燭花
剪西窗雞黍悵望阻滹沱荆扉嘗畫掩老漁相
逐雨笠烟蓑任世情翻覆袞袞頽波懸想洛醪已
熟高臥處對酒當歌擬他日滄浪携手長嘯踏青
蘿

霜葉飛

冬日寄懷杜子靜

小齋寒冽疎燈燼故人夢牽梁月貧交管鮑等輕

塵嘆世情非昔極望裏五雲清切雙魚頻寄田間
客看今古茫茫問誰是市中屠狗西州豪傑猶
憶祖帳青門河梁抗手不數陽關三疊歸來松菊
未荒蕪已自甘鳩拙霸陵老豈因人熱當年對酒
燕山雪悵離羣回首處碣石風高滹沱冰結

望江南

蕉林

風習習小院午陰稠鴉帶斜陽清影亂夢回疎簾
碧烟浮疑坐晚山秋

前調

春晝永爛熳賞花時風動紫英雙蝶繞香凝翠幄

早鶯知人立夕陽遲

前調

桐初引清露綴枝斜黃鳥啼殘窺畫檻玉蟾影轉
上窗紗偏稱一闌花

前調

秋滿閣躡屐望遙空趙苑烟花城闕柳玉屏山色
佛樓鐘半在月明中

前調

朝捲幔紅日照前楹窗色弄晴來燕子檐花飛片
落棋枰竹裏沸泉聲

前調

雲漠漠怪石碧苔斑長揖顛來同海岳解醒貴不
數平泉秋入小湖山

前調

羅浮夢寒夜醉春杯高士雪中疎影瘦美人月下
暗香來東閣幾枝開

前調

齋似舫窗外雨瀟瀟彷彿櫂移湘水曲溟濛客渡
洞庭潮一半在芭蕉

錦纏道初度

冰雪柴門寂寞歲寒時候跳雙丸懸弧今又風塵
瀕洞人非舊剩得閒身浪逐烟波叟 嘆種種顛
毛不堪回首春釀熟好烹羔剪韭佳人翠袖殷勤
且主盟花月漫說經綸手

玉燭新 巳酉元日

雪晴開曙早看徧布王正條風拂曉輕烟麗日椒
觴煖共說豐年佳兆春衣兒女喜得歲樽前頻繞
山中臥擊壤清時追隨牧童村老 回思當日
先皇正頒賜天厨雲和縹緲大酺同慶陪鴛鷺每
近 龍顏歡笑孤臣無狀此際包容非小今何幸

放逐滄浪尚安覆幬

東風齊着力 立春

郊外青幡盤中生菜人樂時康惠風布滿春水瀉
橫塘競戲魚龍角觝朱樓上小婦笙簧映釵色剪
花綵燕香裊羅裳 莫問鬢邊霜百年內能消幾
個歡場黛眉巧畫半醉倚銀缸肯負籤聲燭影酬
良夜細與平章喜公道不分冷煖惟有東皇

水調歌頭 寄懷王敬哉先生

椒酒催殘臘綵勝鬪新妍回首青門分袂離別再
經年遙想柳堂深處春夕燒燈嘉會酬和白雲篇

記憶山中客，頻爲寄魚箋。香一縷，書數卷，只高眠。當時忝竊師門，同學又同官。君近九重天上，我在北潭池畔，相望各風烟。何日重携手，身健且加餐。

燭影搖紅 十四夜

綺戶寒輕，千門不閉，樓臺晚麗。譙吹歇，罷歲蕤九陌，香塵滿，何處簫聲近。遠試華燈，春風庭院閒身。天許遊冶，場中畱連歌管。暗想當年團圓兒女，清宵宴翠眉，低唱漏聲沉。絳燭西窗，剪此夕人移物換，頻搔首。霜侵髻，短月明依舊。火樹光搖，星橋

烟暖

綺羅香 十六夜

曉雪纔晴，華燈再耀，粧點春城如畫。一刻千金，欲買良宵無價。曲闌倚檀口，瑤笙六街，騁玉鞭驕馬。氣氤氳，飛霞雕簷，銀花釵色光相射。繡窗眉嬾試，看似昔年京兆。風流重話，焰吐芙蓉，處處酒旗歌榭。橋邊女笑，倩人扶笛裏，梅落來堪把。拋紅豆，誰結同心，趁蟾蜍漸下。

小重山 清明

春水溶溶寒食天，王孫芳草綠上風。鳶深閨，簾幕

玉鈎閒人何在，一半傷鞦韆。堤外打榆錢酒旗，頻駐馬杏花烟。鶯聲囀出畫樓前，牢記取年少有金丸。

玉女搖僊佩 暮春東郊泛舟

長堤柳影綠滿東郊，十里芳湖如鏡。舉網烹鮮，行廚載酒，重續當年佳興。風月誰偏領，况主人情重，肯虛妍景。早尋取青鞵布襪，正是姚黃魏紫相映。無奈遇知心，嬌小情癡，勾人酪酲。憑仗蘭橈畫槳，簫鼓中流，激滌素波千頃。韋曲勝遊，旗亭嘉會，今古風流堪竝。城角樓烟暝，怎消得杜牧疎狂心性。趁落日仙舟，容與佳人，拾翠春將去也。君須肯好畱待夜珠光送。

玉蝴蝶 棠村看牡丹

報道西村花發，春風一夕，香滿疎闌。載酒携笙，亭畔淡淡雲烟。弄輕陰，新篁院宇，翻翠浪綠野平田。草芊綿，花名傾國，蛺蝶踟躕。畱連芳郊，細馬紅粧，垂袖一笑嫣然。銀甲調箏幾多心事，入眉彎。豈相逢琵琶江上，渾不讓棋墅東山。耐人看，斜陽松影倦鳥知還。

鳳凰臺上憶吹簫 憶遠

絲裊垂楊烟迷芳草携樽猶是春遊憶去年此日
花徑風柔喜得嬌姝相伴移小步泥印蓮勾吹笙
罷纖腰倚樹一笑回眸 難畱彩雲忽散人一去
新來冷落歌喉奈關河迢遞燕語空樓唯有孤村
殘照畫橋畔野水東流停杯處憑闌望遠白了人
頭

浣溪沙 春閨

深院鞦韆繡帶輕衣沾香汗玉釵橫最憐節氣近
清明 怕見落英春欲暮倦開翠幌夢頻驚碧桃
花下戲調鶯

夏初臨 初夏

蔽日初槐啼花嬌鳥疎籬漸長新篁永晝人閒薰
爐細細焚香謾誇世路名場遠風波碧簟清涼蝶
鬚墜粉魚吹蘋末鶯弄笙簧 好書堪把苦茗頻
斟湘簾半捲燕子飛忙香閨雙陸倦來午夢偏長
小立斜陽映紗厨笑看殘粧耐平章無邊風月自
在年光

減字木蘭花 齋中微雨

綠窗纔啓雨過苔青階似洗咫尺烟霞風動朱闌
芍藥花 夢回如醉人語驚殘鸚鵡睡三徑誰開

籬外多應二仲來

醉花陰

臨濟村賞薔薇

臨水柴門槐影護只合幽人住籬落帶斜陽一架
薔薇習習香風度綠陰碧蘚開樽處客醉忘歸
去遠樹杜鵑啼溪靜林深疑是江南路

雨中花

聽雨

百尺樓中香一縷夢乍醒莊生栩栩棲半畝烟雲
幾竿修竹咫尺瀟湘浦跌坐垂簾渾不語聽泚
瀝落英無數怪風裊孤燈涼生衫袖多是芭蕉雨

滿江紅

夏日江南陸恂若過訪畱飲

小隱柴荆有嘉客遠尋茅屋侵屐齒檻橫浮翠砌
添新綠帝里舊遊蝴蝶夢田間今和漁樵曲幾年
來世事嘆浮雲多翻覆槐風起涼生粟雷雨過
花如沐且論文把酒更開棋局此夕莫愁銀箭急
明朝又向紅塵逐問東籬菊綻可重來村醪熟

漁家傲

雨後

小雨纔收風謾謾修篁交響闌干曲澄湛一泓瀾
鵝浴酣睡足鳥啼疑傍山家宿蕭洒閒階桐覆
屋花開花落無拘束門外在他車馬簇人新沐
雲低映窗紗綠

念奴嬌 夏夜

涼侵疎簟看星河漸轉頻催城柝百合香勻新浴
罷月照殘粧綽約紈扇初停冰肌無汗重試羅衫
薄花陰携手一枝輕罨釵落聞道世態浮雲長
安棋局俯仰成今昨人在瑤臺清露下消受藤牀
珠箔橫笛高樓鳴蟬滿樹塵事渾拋却西風轉眼
又驚吹到簾閣

踏莎行

西郊觀荷

高柳蟬聲遠山霽色田田菱葉呈秋碧陂塘咫尺
隔紅塵荷香不傷紅塵客露綴蒲桃風行几席

稻花開處黃雲結漁村荻浦是吾家十年噩夢同
君說

菩薩蠻

花間雙蝶

人間清晝拋書立綠陰深處蟬聲急一樹紫薇開
翩翩引蝶來籬邊相逐舞幕作滕工槐老入
新秋西風蝶也愁

滿庭芳

立秋

茆屋三間槐庭一葉金風乍入繩牀年年此際涼
思滿奚囊廿載黃梁夢境一撒手轉眼荒唐閒消
受幽花文蝶秋水玉簪香商量喜計日東籬綻

蕊紫蛸迎霜問誰家新醪早熟先嘗萬事休教掛
齒驚魂魄利鎖名韉登高處遠山蕭颯孤雁度斜
陽

如夢令 家弟送蝶至

蝴蝶東家交映捉送蕉林三徑驚醒老莊周來弄
碧陰晴景偏勝偏勝點綴竹籬秋影

滿江紅 村漁樂圖 用呂居仁韵

萬柳藏村人家在白鷗溪曲但編籬插槿結茆爲
屋門外淺汀清似練窗前抱膝人如玉雨纔收蕩
漾兩三舟衝波綠 堪對酒陶潛菊宜嘯咏王猷

竹羨漁翁婦子何榮何辱畫閣朱門彫謝了浮家
泛宅隨時足只一竿明月不須錢烹魚熟

桂枝香 中秋

西風簾幙看花影移階蕉陰綽約三五良宵正永
小羅杯酌三年幸訂漁樵侶伴閒雲輕鷗孤鶴鹿
門夫婦竹溪賓友柴桑籬落 任清露涼侵袂薄
對扶疎叢桂此景非惡漸斂浮雲夜半月臨虛閣
庾樓人坐冰壺裏欲乘鸞飛向寥廓且拚盡醉休
論塵世受他羈縛

金縷曲 九日

風雨開茅屋報昨夜東籬纔放一枝黃菊再度重
陽柴桑里過酒鄰牆非俗好受享燈青樽綠身健
喜逢佳客至把茱萸仔細看何足貪漏永剪樺燭
高樓已縱登臨目最關情遙峯疊翠澄溪拖玉
老去悲秋蕭蕭髮魂夢偏宜鄉曲况幾陣霜鴻南
逐天上故人頻勸駕奈山中猿鶴憐幽獨誰更解
清閒福

念奴嬌

贈魏蓮陸年兄并祝初度

紙窗茆屋有先生抱膝小門迴折荒徑全縈書帶
草牀上凝塵滿席五馬歸來三間高臥獨耐袁安

雪蕭然環堵猪肝肯使輕說聞道初度佳辰牆
頭過酒剪燭招狂客萬事何如杯在手莫問新來
華髮栗里琴樽龐公夫婦歲歲娛泉石故人寒邸
夢畱齋畔涼月

玉漏遲

閨思

篆烟消錦幄愁中又聽漏聲催早卸罷殘粧繡被
暗生寒峭想像前宵好夢剩瘦影蘭缸相照燈暈
小雁鴻報到歸人猶杳消息試探梅花待漏洩
春光可同歡笑欹枕釵橫畫樓幾番慵眺一紙音
書寄語問白髮近添多少奩鏡悄眉峯爲誰頻掃

滿江紅 高司寇名飲園亭賦謝

司寇風流歸來築柳塘花屋簾半捲西山烟靄北
堂絲竹洛下耆英年齒會翠眉佢唱顏如玉論人
間底事最關情芳樽綠 敦交誼羞流俗憐旅客
忘榮辱醉良宵燈火舉觴相屬已下青衫司馬淚
寧堪重顧周郎曲願同君携手混漁樵何僕僕

憶秦娥 上谷懷古

濤聲咽蕭蕭亭照金臺月金臺月千年易水爲誰
寒熱 狗屠燕市風流絕荒田督亢飛殘雪飛殘
雪悲風落日古今銷歇

慶春澤 觀雪

曉幕飛花同雲做冷開簾舞雪紛紛手把殘書寒
烟晝閉閒門茅堂高士猶僵臥有幾人驢背孤村
想朱樓綠鬢相偎笑引芳樽 當時氣暖蘭缸夜
儘溫柔鄉裏私語殷勤憔悴今宵旅燈伴我黃昏
雁鴻屢爽刀頭約問腰肢又減三分擁香衾欲訴
襟華誰與溫存

千秋歲引 除夕

客舍東風高城夜角燈火千家閉樓閣誰將物華
粧點就偏遺旅况寒如昨頌椒篇屠蘇酒成差錯

聞說笙歌歸院落聞說畫堂垂繡幕爆竹聲聲
總蕭索浮踪滯留殘臘後音書悔訂春前約夢兒
中枕兒上休忘却

應天長元日

彩雲曉陌紅燭畫樓春風旅中偷度椒帖桃符一
樣晴光遍朱戶香焚後簾捲處屢極目小橋歸路
遇佳節素髮蕭然恁般情緒歲酒讓誰舉無限
韶華忙裏暗來去芳草又生惆悵王孫自朝暮人
何遠情半悞彷彿憶去年新句問今日故里陽春
可還如許

魚遊春水立春

東風開曉市晴照金臺雲氣紫春來天上巷陌漸
薰羅綺玉燭長調禁苑中錦鞦爭試香塵裏吹
笛一聲畫樓獨倚三輔名城高起又見髮邊新
燕子青幡兼遇燈宵韶光信美閨人劃損釵頭鳳
羈客愁傾樽內蟻歸夢如醒流年似水

花心動元夜

上谷風和夜溶溶香車六街闐咽燈火朱樓絃管
清樽共賞太平佳節誰家少婦簾櫳裏喧笑語綺
羅輕揭客懷亂敝裘獨擁小門殘雪閒把年時

細說儘玉漏聲沉鳳簫吹歇
樺燭春闈眉嫵紗窗
蘭麝繡幃頻爇無端辜負
鴛鴦夢郎山畔冷衾如
鐵酒醒處星橋淡烟斜月

滿庭芳

再疊前韵答申鳧盟

三載傷離一丘甘老
名山近業如何孤臣再錄慚
負主恩多忽爾驚心投杼空翹首
雙闕峩峩春將半浮踪久滯鄉
夢遠滹沱良朋重念我齊紈
麗句來自烟簑奈縈眸家岫行矣
風波舊日酒壚客散燕市裏曾否
悲歌關情處伊人死在殘月滿
青蘿

帝臺春

春懷

晴日炙雪初消池水碧遊鯉負冰好
鳥窺人閒愁增劇追憶年時香閣裏
携手看故山春色奈而今惱亂東風
偏吹孤客春猶昔渾暗擲人咫尺何
從覓嘆陌上青青又生芳草薄暮綠
烟如織湖海氣難一旦減兒女淚已
千行滴漸近了花朝怕重提寒食

越溪春

高司寇召飲演秣陵春新劇

二月鶯啼風日麗蔣徑暫開局
主人情重傾杯學剪燭花奏出新聲
太史填詞秣陵春色司寇園亭

風流雙影分明搬演小秦青麗譙三點四點漏
滴華堂斗轉參橫多難一身行樂地俯仰欲沾纓

謝池春

花朝

趙苑烟霏青入春山如畫嘆無端釣綸收罷輕寒
輕暖看晴郊車馬那堪酬好天良夜朱門綺戶
處處鞦韆高掛鬪新粧東風簾下花朝孤邸怕酒
闌燈炮何時向成都占卦

生查子

春間

河梁別妾時落葉紛庭榭春艸已芊芊不見嘶驄
馬鸚鵡未知愁絮語將人罵小步怨東風掩淚

秋千下

蕙蘭芳引

高司寇春夜召飲出伎佐酒

小圃煖風飄衣袂水仙香馥開讌出紅粧燈碧正
宜黛綠客懷無賴頻淚墮相思新曲任麗譙漏歇
永夕淹畱絲竹北海樽罍東山聲伎此日堪續
喜雙袖殷勤消遣離愁萬斛狂言驚座誰憐杜牧
空耐他孤枕夢回殘燭

滿庭芳

城南泛舟

城繞春流堤藏蕭寺人家半倚晴溪輕風暖日布
縠數聲啼一棹船如天上關情處岸艸萋萋空回

首故園柳色烟景望中迷 依稀想此日清明近
也桃杏開時嘆踪跡蹉跎物換星移舉網鮮鱗入
手開笑口聊醉春卮酒闌後斜陽駐馬目斷畫橋
西

憶王孫 春雨

寒烟暝色亂清樽 嚙嚙虛窗旅雁聞 暮角聲催斷
客 覓一燈昏 細雨孤城盡閉門

燕春臺

飲來青園故侍御劉君別墅也

碧艸孤村青蘿三徑輕陰早散樓臺金谷繁華而
今半委蒿萊名花侍御曾栽嘆芳菲零落雛鶯空

轉當年燕子依舊飛來 躬耕別業送酒旗亭變
遷轉眼屏幄重開冶遊挾彈金鞭寶馬頻催客醉
東園風迴翠袖香入春醅幾徘徊人去松影亂鴉
滿城隈

海棠春 夜雨

寂寥春院思千縷陌上柳新黃纔吐暝色入西樓
雁影沉南浦 黃昏燈火無情緒遣夢到家山猶
阻惆悵打梨花點點飛窗雨

柳梢青 春日

小雨纔收平沙細草綠滿西疇柳眼青歸桃腮紅

暈人倚高樓 家家繡幕簾鈎春不管斜陽旅愁
羅綺風前鞦韆影裏馬上牆頭

少年遊 同前

啼鶯恰恰到窗紗幾縷曉烟斜此日春城漢宮傳
蠟散入五侯家 三分春色愁中度一半在梨花
腸斷黃昏酒醒殘月門外卽天涯

眼兒媚 春晝

日射晴窗靜無譁風裊柳枝斜有人深院凝妝獨
坐門掩桃花 追思往日重回首心事付啼鴉隔
牆笑語却疑春色只在鄰家

雙雙燕 感懷

蕭蕭易水問何事春來助人悽惻蘋香柳嫩妍景
任教拋擲聊話郎山雨夕又夢繞潭園烟色紛紜
身世多般已見雁飛南北 誰遣頭鬚頓白怕縱
有春風也難消得壯懷無奈說甚肝腸鐵石况聽
高樓弄笛盼不到漁蓑消息試看陌草青青正是
杜陵寒食

浣溪沙 春懷

郊外提壺藉草茵桃花春漲水粼粼暖風吹散隔
溪雲 柳色暗催羈客淚鶯聲愁煞畫樓人兩般

心事總沾巾

錦堂春

閨情

遶砌試探芳信捲簾放出香烟小樓幾陣廉纖雨
寒食杏花天 鸞鏡羞窺瘦影鴛衾愁裏春眠呢
喃喚醒深閨夢雙燕到堂前

山花子

春愁

謾道春風不世情愁中吹上鬢邊星歸雁帶來雲
外恨斷腸聲 日暖平蕪晴牧馬月明綺閣夜調
笙無限韶光多少淚共誰評

更漏子

夢寤

夜兒長風兒細吹入孤眠春思青鏡畔玉樓中枕
函有路通 橫空雁黃昏雨夢裏不知客苦情脉
脉意遲遲迷離乍醒時

水調歌頭

春夜却雪海侍御自都門還過

把袂東風裏斜日駐青驄携來天上春色慰我客
途窮夜話舊遊燕市惆悵河山已邈聚散酒壚中
抵掌論今古塵世幾英雄 剪銀燭歌白雪調誰
同憐君國士十載蓑笠尚飄蓬猶是當年河朔慷
慨風流未墜領袖有諸公且共樽前醉心事托飛
鴻

訴衷情 憶家

綠楊影裏子規啼，催得鬢絲絲。撩人暮春天氣，畫閣晚粧時。新柳困，遠山低，思依依。五更細雨，半夜歸鴻，一片花飛。

蘇幙遮 寒食

杏花烟榆莢，雨綠映平橋。又見春如許，油壁車輕，寒食路。細草芳樽，邀取春光駐。轉鶯樓，歸雁浦。柳外梨梢，愁煞長亭暮。天意也知離別苦。片片輕雲，遮斷人行處。

繡帶子 閒意

春色耐繁華，車憶碾晴沙。吹皺小橋池面，楊柳逐風斜。塵世幾回嗟。齊分付夜雨梨花。東家蝴蝶，却因何事，飛過西家。

錦帳春 春暮

柳色搖金鶯聲如剪，誰打疊春光成片。落花風寒，食雨想海棠，睡晚重簾深院。何限離情，這般消遣。收拾去韶華一半。語東君，畱暮景，把芳菲莫捲。人歸非遠。

好事近 歸途

艸短馬蹄輕，亂踏落紅歸去。遙指杏花村裏，問酒

家何處 一溪春水浸春雲猶是來時路
閨月東風未老天亦憐遲暮

行香子

春日過中山雪海侍御畱宿唐城

古道斜曛野水孤村暫停驂頻叩柴門故人相勞
握手開樽看三眠柳千畝稻一川雲 抵掌高論
酒罷燈昏問乾坤得失誰分塵纓堪濯荒徑猶存
是柴桑里隆中宅武陵津

百字謠

壽孫北海先生

聖朝遺老擁琴樽圖史婆娑清晝傳得關閩當日
學獨把殘編窮究道在斯人晴窗高臥閒却經綸

手一庭風雪喜當介眉時候 繞膝絲袖重重持
觴共祝宰相山中久謝客著書多歲月小閣藤深
松茂鶴髮丹顏憑烟雲好供養容如舊春風盈坐
笑看車馬馳驟

春從天上來

壽蔡魁吾中丞

綺戶祥烟正身退功成部曲蕭閒豫章旌節淮海
歌絃手持半壁江天問先生何事人未老偃仰平
泉樂清時羨賓朋北海絲竹東山 松徑藥欄楚
楚聽瀑布潺湲映帶奇巒花舞毵塲雲凝金埒侯
鯖法醞開筵戲斑衣進酒列檠戟七葉貂蟬醉醜

顏食梨舊事辟穀當年

沁園春

壽袁六完都諫

列戟門庭伏蒲夙望帝里優游正介眉嘉日頻開
笑口浮觴僊醞宛轉歌喉暫輟趨朝從容散帙且
曰忘機狎野鷗盱衡處把經綸事業靜裏蒐求
昇平樂事清幽好共倒金樽秉燭遊就霏霏窗雪
時焚諫草溶溶卿月近傍瓊樓弟擁旌旄兄依梧
影輝映中朝孰與儔春無恙集南皮賓客譚讌風
流

憶舊遊

雪中感懷

想秋原衰柳細雨瀟瀟魂斷河梁日月曾無幾早
寒風朔雪吹到葦堂孤踪久辭雙闕誰識舊劉郎
幸同好猶存悲歌對酒共說先皇草草思前
事嘆物換時移空費推詳問菊松三徑奈暮雲縹
緲難認柴桑梅香漏洩春信歸夢繞橫塘聽何處
高樓一聲玉笛淚千行

醉春風

除夕

春色渾如昨燒燭聞宵柝追思往事總成塵錯錯
錯出岫閒雲忘機鷗鳥那堪耽閣三載甘蕭索
又被浮名縛重來人事一番新薄薄薄爆竹聲中

屠蘇杯底且同斟酌

御街行元日

天門駘蕩晨光麗扇影裏爐烟細衣冠萬國擁仙
班共拜冲年天子田間野老重瞻雙闕幾灑孤
臣淚長安誰道浮雲蔽看咫尺龍顏霽不才
未有治安書但祝時康風美九重露掌千家蓬戶
都布陽和氣

大聖樂春閨

奩鏡初開流蘇乍暖啓窗猶寒引螺黛巧畫雙眉
寶鴨頻添香篆裊裊輕烟纔換春衫慵出手向梅

萼凝粧子細看繡簾日永鶯花無賴珍重芳年
東風又到芳草漸柳色依依駐錦鞦語金閨夫婿
椒酒綵勝莫負清歡世事何憑韶華易去一辦
依大士前人無恙祝天長地久被底文鴛

春雲怨閨怨

疎燈薄暮又一聲歸雁飛來平楚門掩東風塵生
寶篋流年驚暗度綵線慵拈燭花頻剪舊怨新愁
漫空數卓氏孤吟班姬團扇無奈情耽悞王孫
玉勒知何處把三生誓約翻雲覆雨去矣朱顏漸
非故零亂飛蓬惱煞窗前鶯啼春樹夢罷關山酒

醒殘月極目淒涼南浦

臨江仙 初春

花市歌樓簾半捲六街酒碧燈紅家家行樂醉春
風五陵年少何處繫遊驄小婦新粧蟬翼巧那
知愁上眉峯垂垂柳色夕陽中陌頭驚見悔却覓
侯封

蝶戀花

宋荔裳觀察招飲觀劇次阮亭韵

榆莢風清飄蜀纈水漲銀塘纔過清明節絳蠟金
樽歌未歇柳花檻外飛如雪舊事甘陵翻數闋
今昔關情優孟真奇絕絲管啁啾聲漸徹魚龍波

底搖殘月

沁園春

咏美人足

錦束温香羅藏暖玉行來欲仙偶簾櫳小步風吹
倒褪池塘淡竚苔點輕彈芳徑無聲纖塵不動蕩
漾湘裙月一彎鞦韆罷將跟兒慢拽笑倚郎肩
登樓更怕春寒好愛惜相偎把握間想嬌憨欲睡
重纏繡帶曹騰未起半落紅蓮笋印畱痕凌波助
態款款低回密意傳描新樣似寒梅瘦影掩映窗
前

萬年歡

元宵

午夜晴烟早六街燈火交侵明月春樹人家遙傍
帝城雙闕迤邐鈿車成列驪羅袖膚光欺雪春山
澹止水盈盈笑看簾幙風揭清絲淒切樓頭少
婦鳴箏坐幽恨難說白馬金鞭知向誰行遊歇舞
榭酒闌燭滅侯門閉內筵重設空竚望薄倖歸來
深閨眉翠雙結

醉鄉春十六夜

院院燒燈何早重把金樽傾倒桂闕影一分虧碧
海青天人老紅袖橋邊微笑點綴春風多少銀
花合玉珂鳴歌樓萬點星毬小

點櫻桃閨情

春困恹恹斜風細雨寒吹閣銀屏珠箔苦把花枝
縛虛倚薰籠舊事思量著情差錯海棠零落對
下秋千索

巫山一段雲春宵

簫局微溫候篝燈乍剪時端相帶笑又佯推欲睡
故遲遲銀蒜垂簾悄金釵落枕欹淡紅袖袂映
唇脂低問小名兒

杏花天花朝過金魚池

鶯聲曲岸輕陰乍春水漲城南臺榭誰家高結秋

千架人在賣花簾下 踏青鞦韆舊遊重話記挾彈
芳原試馬杏花小雨西村社放了東風寬假

金鳳鈎燕來

忽聞燕來何處向樹底雙雙小語一春消息故人
情重不爽佳期唯汝 自憐每被多情誤頻勸取
不須飛去絮泥啣得爲誰辛苦空傷人家門戶

望江南鄉思

清明候細雨曉風和樹裏青帘春醞美水邊紅袖
麗人多處處醉顏酡

前調

家山好春色滿平蕪花片參差裘馬客柳絲搖曳
水雲圖遠浦立鷓鴣

前調

東郊外煖日水粼粼一路杏花尋幕燕幾行楊柳
渡溪人沙細碾車輪

前調

踏青去遙指綠陰村斜裊金鞭晴試馬高燒銀燭
夜開樽芳草滯王孫

前調

西村裏森森水拖藍一縷墟烟青似織數峯嵐色

碧於簪可喚小江南

前調

尤堪憶歌舞向朱樓小玉多情金縷曲雪兒帶笑
錦纏頭長使彩雲留

前調

清懽夜偷眼認檀郎錦瑟偎燈腸斷句青絲墮馬
內家粧私語口脂香

前調

休虛度寒食草青青荇葉橋邊沽酒路秋千影裏
賣花聲金彈打流鶯

前調

桃花水相約放船來菱葉田田鮮鯉出槐風剪剪
小舟開送酒百壺催

前調

燈兒剪雜坐漏偏遲欲寫烏絲嗔燕子將輸楸局
倩猶兒薌澤乍聞時

南鄉子

春暮

深院雨廉纖燕子飛來故傷檐清晝困人無氣力
酣酣淺暈腮痕印枕函新樣剪輕衫獨坐凝粧
倚鏡奩聞道春風將暮也厭厭開盡桃花不捲簾

減字木蘭花

馮庄看海棠

垂楊別館蟲蟲高樓當翠巘草綠閒堦蛺蝶尋芳
自往來 主人何處客醉金卮愁日暮燕入誰家
落盡東風第一花

歸自謠

惜春

春夢詔零落亂紅花賣罷遊絲飛絮春歸乍 欲
畱無計眉慵畫簾鈞亞鶯兒苦把東風罵

如夢令

卽事

翡翠衾寒拖逗惱煞雞聲偏驟帶得御香歸猶喜
曉粧纔就生受生受正是畫眉時候

憶秦娥

茉莉

香風颺黃昏院落花初放花初放銀燈試照別來
無恙 美人奩鏡偏宜傍珠簪金絡增新樣增新
樣珊瑚枕畔綠雲鬢上

垂楊碧

新浴

人新沐波濺一枝寒玉半著輕羅香馥馥妝殘重
結束 桃簟涼生繡褥小立漏聲偏速換縵鞋兒
剛一窅奈何郎又促

青玉案

重陽

帝城九日晴偏好嘆秋水蘆花老送自登樓雲浩

渺疎林烟靄夕陽宮闕數點蒼山小 經年車馬
東華道節序匆匆塞霜早遙憶東籬花綻了新醪
纔熟茱萸同插一個人兒少

滿江紅

壽王敬哉宗伯

洛下樽開羨龍馬精神奕奕稱觴處西山佳氣南
皮詞客曳履容臺典禮樂拂衣棋墅娛泉石倚晴
窗紈素畫滄洲烟雲碧 斟法醞鶯笙炙紛舞袖
烏衣集正小春時節肯教虛擲鳳羽朝回頻問寢
蠅頭花底問濡筆論長安福壽更誰同君無匹

喜遷鶯

壽龔芝麓宗伯

堂羅絲竹正霞瑄飛灰春回寒谷九左風流東京
部黨共識當年耆宿執法風生臺閣借箸禁中頗
牧烽火靜向南宮曳履望高鈞軸 蒿日憂國處
兩鬢絲絲欲救蒼生哭對客抽毫張燈擊鉢不數
詞場潘陸歷盡險巇身健嘉日莫辭醞醪趨朝罷
領鳳城烟月清宵顧曲

賀新郎

元夜

川曹顧菴學士韵

十里珠簾卷徧燒燈暗塵隨馬鈿車齊遣縹緲簫
聲明月下更喜露華初泫寒猶峭春衣重繭花市
歌樓牙拍按正御溝水泮流漸淺火樹合星橋展

晚妝纔試芙蓉顯倚銀屏歸人未卜金釵劃扁
門外錦鞵何處客頻囑繫鈴小犬尋好夢香衾權
免午夜大酺人競醉罷嚴城魚鑰金吾典聽玉漏
東風剪

前調

蛟門納姬仍用前韻

錦幄紅霞卷賦催粧鵲橋已駕青鸞先遣才子廣
陵年尚少下直墨華猶泫奩鏡伴烏絲蠶繭携得
御爐香滿袖正天孫初渡銀河淺京兆筆晴窗展
遠山肯使眉痕顯倦支頤流蘇低亞筠籠微扇
吹罷鳳簫閒對奕亂局須憑猶犬吟蟋蟀西堂愁

免欲博琴臺人一笑解鸚裘好向壚頭典蓮漏永
蘭缸剪

菩薩蠻

春閨

亂鴉啼處春風曉流蘇香暖金鈎小晴影入窗紗
街頭賣杏花 鴛鴦初睡足偏墮雲鬟綠拂鏡試
新粧低回問粉郎

前調

畫扇

板橋流水湖山靚桃花人面紅相映喚婢採芳蘭
粧成小步看 苔侵羅襪濕愛向春風立莫問落
花香當年悞阮郎

前調 春雨

家山漠漠思千縷杏花零落廉纖雨燕語恨春歸
河橋柳絮飛遊驄何處駐野水棠梨路泥滑阻
郊行芳堤悞早鶯

前調 暮春雨中十五弟歸里

可憐九十春光盡南窗疎竹生新笋榆莢雨蕭蕭
花寒夜寂寥河橋垂柳折柳絮飛如雪茅店閉
黃昏孤燈何處村

點絳脣 閨情

簾閣春溫匆匆待漏綠何事香餘翠被不慣孤眠

味坐數殘更窗外風兒細鴉聲碎寒侵半臂悔
嫁金閨婿

前調 春霽

昨夜冥冥開窗霽色簾櫳曉海棠綻了過雨紅偏
好橫笛高樓幾許人嘖笑鶯聲老落英多少何
處尋芳草

前調 憶舊

簾押風柔傷心往事斜陽裏當年花底芍藥闌同
倚依舊芳菲歲月看流水春殘矣亂紅如綺草
綠人千里

爪茉莉 本意

正苦薰風早清芬細裏黃昏後覓枝尋葉翩翩夢
影引惹動閒庭蛺蝶摘來綴寶髻瑤釵盈盈暗添
笑靨 花神有意巧批了風流牒新浴罷晚粧寧
帖斜簪綠髮恰宜襯芙蓉頰伴鷓鷃枕上粉脂融
淡衆香國覓夢貼

減字木蘭花 立秋

西風暗換秋到碧梧金井畔人立斜曛望見家山
一片雲 香闥病後小檻疎闌花影瘦蟋蟀聲催
似爲多情宋玉來

卷之四